

Weeß d'ech ko'm dech alt besichen,
 well du go'ngs net me'h erous.
 Mann, wat hues du jo eng Kichen,
 wat eng Scheier, wat en Hous!

Wi zergutster a wat Saachen!
 O deng Kanner hu keng No't!
 Wi se spillen, wi se laachen,
 an hir Bäkelche, wi ro't!

Nen, bei dir aß Rot net deier!
 Jo, a kuck dach, wat eng Mescht!
 Dat get Saache fir an d'Scheier
 an och Sue fir an d'Kescht.

Muorges wars d'och schuns om Dreschen,
 ihr der Doudes¹ d'Schung sech streckt;
 baß am Da durch Wis a Päschen
 laascht all Waßergruef geschreckt.

Ja, dir werd schuns näischt entlafen,
 a keng Beßreng geht verlur:
 Wien dech gef als Eefalt kafen,
 krit jo fir säi Geld keng Wur².

Eemol ko'm en armen Alen,
 an ech hollt et wuohl an uecht,
 daß de go'fs dem Schwaache, Kalen,
 vun dem Desch de ganze Ruecht.

An du scheckst e bei den Uowen,
 an du schwats em Fred a Mutt.
 Bauer, kuck, ech muß dech luowen:
 Du gefälls mer vill ze gutt!

Duecht ech wuohl, du ge'fs bal kommen!*)
 d'Hieselhecken hu geblitt,
 an de Schne' aß all verschwonnen:
 Dann aß Zäit jo datt ee plitt.

*) Man merke den falschen Reim «kommen, verschwonnen».